

Kuin terima pelajar AIU

ALOR SETAR – Kolej Universiti Insaniah (Kuin) bersedia untuk menerima kemasukan pelajar dari Universiti Antarabangsa Albukhary (AIU) di sini yang dijangka ditutup pada Jun depan.

Pengerusi Jawatankuasa Pendidikan, Pengangkutan dan Kerja Raya, Datuk Tajul Urus Mat Zain berkata, pengurusan kolej tersebut telah mengadakan perbincangan dengan AIU berhubung perkara itu.

“AIU sebelum ini telah menghebahkan pengambilan pelajar universiti itu kepada institusi pengajian tinggi (IPT) di negeri ini yang berminat untuk mengambil pelajar mereka selepas surat permohonan penutupan universiti itu diserahkan kepada Kementerian Pendidikan 14 Mac lalu,” katanya.

Kelmarin, Menteri Pelajaran Kedua, Datuk Seri Idris Jusoh memberi keyakinan akan memastikan kira-kira 600 orang pelajar AIU dapat menyambung pengajian mereka di mana-mana IPT selepas kampus itu akan ditutup pada Jun ini.